



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

ACTA N° 2021/1

SESIÓN ORDINARIA DO PLENO DA CORPORACIÓN

PRESIDE:

JUAN MANUEL SABORIDO RAMA

ASISTEN:

PSOE

MARÍA MERCEDES NOCEDA GÓMEZ

SANDRA FERNÁNDEZ SIABA

RAFAEL ANTONIO RIVEIRO PIÑEIRO

JOSÉ MANUEL GONZÁLEZ REY

PP

AGUSTÍN MANUEL GONZÁLEZ DOSIL

JOSÉ ELISARDO GARCÍA LAGO

PEDRO LADO RIVEIRO

BNG

MARÍA BELÉN CAMPOS DÍAZ

MARÍA PILAR TUBÍO LARIÑO

MANUEL MÁXIMO SOUTO BARREIRO

SECRETARIO

JOSÉ LUIS VEIGA SIERRA

No Salón de sesións da Casa do Concello de Carnota, ás 18:00 horas do día 28 de xaneiro de 2021, baixo a presidencia do alcalde, reúnenos os concelleiros e concelleiras que se indican, coa asistencia do secretario que subscibe, co obxecto de celebrar a Sesión Ordinaria do Pleno da Corporación, conforme ao réxime de sesións acordado polo Pleno en cumprimento do establecido no artigo 46.1 da Lei 7/1985, LBRL.

A hora da sesión ordinaria do Pleno corresponde ás 20.00 horas, por acordo dos grupos políticos adiantouse a hora de celebración, ás 18.00 horas, mantendo o carácter ordinario.

Comprobada a existencia de quórum suficiente e o cumprimento dos demais requisitos formais legalmente esixidos para a válida celebración do acto, o Presidente declara aberta a sesión, procedéndose a tratar os diversos asuntos incluídos na orde do día que se incluíron na convocatoria.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

ORDE DO DÍA

I. PARTE RESOLUTIVA

1. APROBACIÓN, SE PROCEDE, DAS ACTAS DAS SESIÓNS ANTERIORES

De acordo co previsto no artigo 91 do Real Decreto 2568/1986, ROF, pregunta o presidente se algún membro da Corporación desexa facer algunha observación con respecto ás actas das sesións anteriores (n.º 2020/7 do 05/11/2020, e n.º 2020/8 do 26/11/2020) que se entregaron coa convocatoria.

Non se realizan observacións, polo que se consideran aprobadas as Actas por unanimidade.

2. APROBACIÓN DO POS+ 2021

Pola presidencia indícase que o contido deste punto se tratou en reunións con cada un dos grupos. Sinala que este ano o presuposto do POS viuse recortado con respecto a outros anos, debido a que o goberno da Deputación centrou o gasto en paliar os efectos da COVID, dirixíndoo, sobre todo, a campos do social e á reactivación económica, aclarando que o Concello de Carnota conta cun Plan Reactiva de 60.000 euros, un PEL tamén de 60.000 euros, cando normalmente eran 30.000 euros os que se recibían, para realizar a contratación de 8 empregados, e un gasto social extraordinario de 102.192,13 euros. Incide en que o gasto da Deputación está enfocado en resolver o problema sanitario grave.

A presidencia compara a proposta deste ano coa do ano pasado e indica que se reducen as obras de 3 a 2, e sinala que este ano tamén se vai realizar unha obra do goberno anterior que é a "Ampliación do saneamento do Pindo", pendente de licitar.

Propón dúas obras de saneamento, e indica que aínda que haxa outras moitas necesidades, a execución de saneamentos é prioritaria para o goberno. Aclara que as obras pretendidas levaríanse a cabo nunha zona de Lira e na zona da Fontevella en Caldebarcos, para evitar vertidos ao mar. Quedarían arredor de 102.000 euros para gasto corrente.

Fai mención ao informe de Secretaría para expresar a necesidade do financiamento en gasto corrente. Indica que o ano pasado se destinaron 160.000 euros a gasto corrente.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A concelleira María Pilar Tubío Lariño aclara que o financiamento para gasto corrente o ano pasado foi de 218.649,68 euros (161.666,41 euros da achega e 56.983,27 euros do adicional).

A presidencia indica que trae a Pleno a proposta, coñecida polos grupos, para a súa aprobación, que se transcribe literalmente:

**"PROPOSTA AO PLENO DA CORPORACIÓN NA SESIÓN PLENARIA DO 28/01/2021
APROBACIÓN DO PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA
MUNICIPAL
(PLAN ÚNICO DE CONCELLOS)
"POS+ 2021"**

Vistas as bases reguladoras do Plan Provincial de Cooperación ás obras e servizos de competencia municipal (Plan único de Concellos) POS+2021, publicadas no BOP núm. 205 do 1 de decembro de 2020.

Vista a circular sobre a aprobación das referidas bases na que sinala que o plan consta de tres tipos de achega provincial (achega provincial 2019, achega provincial 2020 e préstamo provincial 2020) que se distribúen entre 93 concellos da provincia utilizando os mesmos criterios obxectivos de reparto do POS. E que as cantidades asignadas a este concello para cada un destes tipos de achega son os que figuran na seguinte táboa:

Achega provincial 2021	Achega provincial 2020	Préstamo Provincial 2021	Total POS+2021
170.538,43	82.742,26	40.604,39	293.885,08

PROPOÑO AO PLENO DA CORPORACIÓN O SEGUINTE ACORDO:

1.- "Participar no **Plan provincial de cooperación ás obras e servizos de competencia municipal (Plan único de concellos) "POS+ 2021"** da Deputación Provincial da Coruña, cuxas Bases se coñecen e aceptan na súa totalidade, e solicitar a aplicación da achega e o préstamo provincial asignados aos obxectos que se indican a continuación, separando os que se financian con cargo a "achega provincial 2021", "achega provincial 2020" e "préstamo provincial 2021":

A) Financiamento do pago a provedores:

	Capítulo II	Capítulo VI	Total
Achega provincial 2020 aplicada ao financiamento de pago a provedores	0	0	0
Achega provincial 2021 aplicada ao financiamento de pago a provedores	0	0	0
Subtotal pago a provedores	0	0	0

B) Financiamento de gastos correntes:

	Deputación
Achega provincial 2021 aplicada ao financiamento de gastos correntes	102.192,85
Achega provincial 2020 (Excepción da Base 2.2 final)	0



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

Subtotal gasto corrente	102.192,85
-------------------------	------------

C) Financiamento de investimentos:

ACHEGA PROVINCIAL 2021	Financiamento do investimento		
Denominación da obra ou subministración	Deputación	Concello	Orzamento total
Saneamento e pavimentación na Tara-Lira	68.345,58	0	68.345,58
Subtotal investimentos achega provincial 2021	68.345,58	0	68.345,58

ACHEGA PROVINCIAL 2020 (Investimentos financeiramente sostíbles)	Financiamento do investimento		
Denominación da obra ou subministración	Deputación	Concello	Orzamento total
Mellora do saneamento en Caldebarcos	82.742,26	257,88	83.000,14
Subtotal investimentos achega provincial 2020	82.742,26	257,88	83.000,14

Aprobar os proxectos das obras ou os pregos das subministracións que se relacionan nestas táboas.

D) Redución de débeda con entidades financeiras:

Entidade financeira	PRÉSTAMO PROVINCIAL 2021 aplicado á redución da débeda
	0
Subtotal redución de débeda con entidades financeiras	0

E) Resumo:

SUBTOTAIS		Deputación	Concello	Total
A- PAGO A PROVEDORES	Achega 2020	0		0
	Achega 2021	0		0
B- GASTOS CORRENTES	Achega 2021	102.192,85		102.192,85
	Achega 2020 (Excep. Base 2.2)	0		0
C- INVERSIONES	Achega 2021	68.345,58	0	68.345,58
	Achega 2020	82.742,26	257,88	83.000,14
D- REDUCCIÓN DÉBIDA	Préstamo 2021	0		0
TOTAL	Achega 2021	170.538,43	0	170.538,43
	Achega 2020	82.742,26	257,88	83.000,14



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

	Préstamo 2021	0	0	0
	TOTAL	253.280,69	257,88	253.538,57

2.- Aprobar o Plan Complementario do ano 2021 no que se inclúen os investimentos financeiramente sostibles que a continuación se indican e aprobar os correspondentes proxectos ou pregos de prescricións técnicas:

Denominación dos investimentos financeiramente sostibles (mínimo do 50% do total de achega e préstamo provincial asignado)	Orzamento
Aparcadoiro de autocaravanas en Lariño	70.714,48
Saneamento e pavimentación en Estañeiras	66.303,80
Rueiro interior en O Pindo	94.222,49
TOTAIS	231.240,77

3.- Declarar que o concello ten a dispoñibilidade dos terreos, augas e servidumes para a execución dos investimentos, e que ten resolto todo o relacionado coas concesións e autorizacións administrativas que legalmente sexan necesarias.

4.- Comprometerse o concello a incluír no orzamento municipal do 2021 os fondos necesarios para facer fronte á achega municipal dos investimentos incluídos no POS+2021 Base, se a houbera.

5.- Solicitar da Deputación Provincial da Coruña a delegación neste concello da contratación e execución das obras ou subministracións incluídas no Plan, que se entenderá aceptada si esta se produce efectivamente.

6.- Declarar que o concello non solicitou nin percibiu ningunha subvención doutras Administracións públicas para o financiamento das distintas actuacións incluídas neste Plan, e no caso de que existan axudas ou subvencións concorrentes doutras Administracións, achégase o detalle de cada unha delas, acreditándose que a súa suma total non supera o 100% do seu importe.

7.- Autorízase á Deputación Provincial da Coruña a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

8.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente.”

A concelleira María Pilar Tubío Lariño puntualiza que, previamente á votación, hai unha proposta/emenda (o secretario aclara que é unha emenda) do BNG que hai que debater e votar.

A concelleira María Belén Campos Díaz explica que están de acordo coas obras incluídas na proposta do goberno, e precisa que a obra das autocaravanas debe ir no POS, posto que existe un compromiso asinado por parte do alcalde. Apunta que, aínda que se inclúa no complementario, non é garantía de que se vaia a realizar, como ocorreu ca Tara e Estañeiras o ano pasado. Remarca que toda a obra que se leve a



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

cabo, o BNG estará a favor. Considera que o POS é un plan de obras e existe un compromiso do alcalde para incluír o mencionado proxecto.

O concelleiro Agustín Manuel González Dosil sinala que ese compromiso efectúase por escrito.

A presidencia non dá por feito que os complementarios non se vaian executar pero, de darse ese caso, adquire o compromiso de incluír o proxecto das autocaravanas no POS do 2022. Xustifica a súa resposta, aclarando que neste mesmo Pleno hai que ratificar o proxecto de “Mellora ambiental no Campo de Fútbol de Lariño”, e que aínda non se asinou o convenio desta nominativa. Indica que é conveniente realizar primeiramente, nesta anualidade, a obra principal mencionada anteriormente e, posteriormente, executaríase o proxecto das autocaravanas. Ademais advirte que a proposta do BNG serve para mutilar o gasto corrente e opina que é unha xogada pensada para asfixiar ao goberno local.

A concelleira María Pilar Tubío Lariño explica que o exposto anteriormente é un argumento recorrido polo alcalde e incide en que o complementario ten carácter supletorio, non obrigatorio. Considera necesario non atrasar a execución das obras e manifesta que a problemática da COVID é un argumento moi socorrido, para o que xa hai unha achega. Aclara que o BNG non trata de asfixiar ao concello e reitera o compromiso adquirido de que a obra “Aparcadoiro de autocaravanas en Lariño” ía ir no POS 2021. Apunta que o voto do BNG está condicionado a admisión da súa proposta.

O concelleiro Agustín Manuel González Dosil propón que a obra “Saneamento e pavimentación na Tara-Lira” se inclúa no complementario e a obra de “Aparcadoiro de autocaravanas en Lariño” se incorpore no principal.

A presidencia non ve factible cambiar un saneamento por un aparcadoiro de autocaravanas, un servizo para a veciñanza por un servizo para os de fóra.

Os concelleiros Agustín Manuel González Dosil e María Pilar Tubío Lariño puntualizan que se trata dun compromiso do alcalde.

A concelleira María Mercedes Noceda Gómez precisa que o goberno non faltou a súa palabra, recalca que as obras das autocaravanas se incluíron no complementario do POS, e incide en que é necesario que primeiramente se execute o proxecto inicial, e despois se realice a segunda fase.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A presidencia insiste en incluír o proxecto do "Aparcadoiro de autocaravanas en Lariño" no POS do 2022.

Os concelleiros debaten sobre as propostas de cada grupo.

O concelleiro Agustín Manuel González Dosil indica que hai que votar a proposta.

A presidencia alude a unha chantaxe e faise unha pregunta retórica de quen goberna.

A concelleira María Pilar Tubío Lariño recórdalles que gobernan en minoría e a concelleira María Mercedes Noceda Gómez incítaos a que leven a cabo unha moción de censura.

O concelleiro Manuel Máximo Souto Barreiro recalca que non se trata dunha chantaxe, senón de ver as cousas de forma diferente. Aclara que o BNG tiña un proxecto para o campo de fútbol de Lariño que foi modificado polo actual goberno, coa oposición do BNG. Prosegue a súa intervención sinalando que, posteriormente, o PSOE e o PP chegaron a un acordo e que o BNG se abstivo. Aclara que neste momento o BNG trae un proposta lóxica, que pretenden que se vote.

Así mesmo, non entende que se asfixie ao concello por non votar a favor dos 102.000 euros para o gasto corrente, xa que nunha reunión previa que mantivo o alcalde co BNG aludiuse a que o dito gasto era para subvencionar un proxecto para o alumeadado.

O alcalde aclara que non era para iso en exclusiva, senón que eran para axudar a pagar o alumeadado, o lixo...

O concelleiro do BNG explica que é consciente de que o servizo de recollida do lixo é un servizo deficitario. Non entende e solicita aclaración, por parte do secretario, sobre a legalidade de destinar unha parte dos gastos correntes ao pago dunha subvención, para a que hai que adiantar os cartos. Mostra dúbidas sobre a legalidade dese proceder.

O secretario indica que hai que votar a proposta do BNG.

A concelleira do BNG procede á lectura da emenda, que se transcribe literalmente:

**"EMENDA/ PROPOSICIÓN AO PLAN PROVINCIAL DE COOPERACIÓN ÁS OBRAS E
SERVIZOS DE COMPETENCIA MUNICIPAL (PLAN ÚNICO DE CONCELLOS) "POS 2021"
DO GRUPO MUNICIPAL DO BNG AO PLENO DA CORPORACIÓN MUNICIPAL DE
CARNOTA NA SESIÓN PLENARIA DO 28 DE XANERO DE 2021**



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

O GRUPO MUNICIPAL BNG DE CARNOTA ao abeiro do disposto no artigo 97 do ROF, formula ao pleno da corporación municipal a seguinte

ENMENDA/PROPOSICIÓN

O Grupo Municipal do BNG propón os seguintes cambios á proposta do Plan Único 2021 feita polo alcalde:

Que o proxecto **“Aparcadoiro de autocaravanas en Lariño”** con un **orçamento de 70.714,48 euros se inclúa na achega provincial 2021** e non no Plan complementario

Dedicar **a cantidade de 31.478,37€ ao financiamento de gastos correntes** (achega provincial 2021 aplicada ao financiamento de gastos correntes).

XUSTIFICACIÓN

O proxecto do aparcadoiro de autocaravanas en Lariño é un compromiso do alcalde e xa foi amplamente debatido por esta corporación e non modifica substancialmente a proposta presentada polo alcalde.

SOLICITA

Que polo pleno se proceda á votación e aprobación da presente emenda/proposición e acorde que o proxecto **“Aparcadoiro de autocaravanas en Lariño”** con un **orçamento de 70.714,48 euros se inclúa na achega provincial 2021** e dedicar **a cantidade de 31.478,37€ ao financiamento de gastos correntes.**”

O presidente somete a proposta da emenda a votación, co seguinte resultado:

Votos a favor: 6 (3 do grupo do PP e 3 do grupo do BNG).

Votos en contra: 5 (do grupo do PSOE)

Abstencións: 0

A continuación sométese a proposta modificada a votación, co seguinte resultado:

Votos a favor: 6 (3 do grupo do PP e 3 do grupo do BNG).

Votos en contra: 1 (do grupo do PSOE- María Mercedes Noceda Gómez)

Abstencións: 4 (do grupo do PSOE)

Consecuentemente, o Presidente declara aprobada a proposta por maioría absoluta.

3. APROBACIÓN POS+ ADICIONAL-GASTOS SOCIAIS EXTRAORDINARIOS 2021



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

Pola presidencia efectúase a proposta que de seguido se transcribe:

“
PROPOSTA AO PLENO DA CORPORACIÓN NA SESIÓN PLENARIA DO 28/01/2020
APROBACIÓN DO
POS+ADICIONAL 1/2021 PARA O FINANCIAMENTO DE GASTOS SOCIAIS EXTRAORDINARIOS
“POS+ ADICIONAL1/ 2021

Vistas as bases reguladoras do Plan Provincial de Cooperación ás obras e servizos de competencia municipal (Plan único de Concellos) POS+2021, publicadas no BOP núm. 205 do 1 de decembro de 2020.

PROPOÑO AO PLENO DA CORPORACIÓN:

- 1.- “Participar no Plan provincial de cooperación ás obras e servizos de competencia municipal (Plan único de concellos) **“POS+ ADICIONAL 1/2021”** da Deputación Provincial da Coruña **para o financiamento de gastos sociais extraordinarios**, cuxas Bases se coñecen e aceptan na súa totalidade, e solicitar a aplicación da achega provincial asignada aos gastos sociais que se detallan no informe emitido pola Intervención ou a Secretaría-Intervención do concello, segundo se indica a continuación:

Achega provincial asignada aplicada ao financiamento dos gastos sociais extraordinarios	103356,63 €
---	-------------

(Cubrir só os datos dos gastos aos que o concello aplique o financiamento con cargo a este Plan)

GASTOS SOCIAIS EXTRAORDINARIOS	PREVISIÓN DE GASTOS 2021	ESTIMACIÓN DE INGRESOS PÚBLICOS OU PRIVADOS	ESTIMACIÓN DO GASTO A FINANCIAR POLO CONCELLO (Pode ser superior ao importe solicitado)
	(A)	(B)	(A-B)
a) Reforzo de persoal, técnico e/ou administrativo, adscrito aos servizos sociais, co obxecto de apoiar aos equipos actuais, e facilitar a tramitación urxente das prestacións obxecto deste plan. (O importe non pode ser destinado a cubrir a achega municipal no Plan de Financiamento dos servizos sociais municipais FOPPSS, o gasto vai dirixido a nova contratación)			



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

GASTOS SOCIAIS EXTRAORDINARIOS	PREVISIÓN DE GASTOS 2021	ESTIMACIÓN DE INGRESOS PÚBLICOS OU PRIVADOS	ESTIMACIÓN DO GASTO A FINANCIAR POLO CONCELLO (Pode ser superior ao importe solicitado)
b) Ampliar e dotar as partidas destinadas a garantir ingresos suficientes ás persoas soas ou familias, maiores, persoas con diversidade funcional, mulleres en risco de exclusión social ou vítimas de violencia de xénero, con baixos ou nulos ingresos económicos, mediante axudas económicas para asegurar a cobertura das necesidades básicas: vivenda, alimentación, electricidade, gastos médicos ou farmacéuticos, transporte, que favorezan a integración.	31.000,00	0,00	31.000,00
c) Axudas as familias para gastos que faciliten a escolarización, material informático, acceso aos medios dixitais valoradas por os profesionais dos servizos sociais comunitarios.	5.000,00	0,00	5.000,00
d) Ampliar o servizo de axuda a domicilio en todas as súas modalidades, e calquera outro de análoga natureza que se preste no domicilio da persoa, como rehabilitación, perruquería, podoloxía, comedor sobre rodas, etc. (O importe non pode ser destinado a cubrir a achega municipal no Plan de Financiamento dos servizos sociais municipais FOPPS) Excepcionalmente o importe poderá destinarse a cubrir a parte de aportación municipal ao servizo de axuda a domicilio na modalidade de dependencia, incluíndo aquela que corresponde a horas xa concedidas.	222.978,84	162.545,76	60.433,08
e) Reforzo dos servizos e axudas económicas para respiro familiar e medidas de conciliación.	18.800,00	0,00	18.800,00
f) Reforzo dos dispositivos e axudas económicas de atención a persoas sen fogar.			
g) Adquisición de medios de prevención (EPIS) destinados exclusivamente aos profesionais dos servizos sociais e persoas usuarias dos programas que non contén con medios para adquirir os mesmos, a criterio do persoal técnicos dos servizos sociais.			



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

GASTOS SOCIAIS EXTRAORDINARIOS	PREVISIÓN DE GASTOS 2021	ESTIMACIÓN DE INGRESOS PÚBLICOS OU PRIVADOS	ESTIMACIÓN DO GASTO A FINANCIAR POLO CONCELLO (Pode ser superior ao importe solicitado)
h) Outras medidas que os servizos sociais das entidades locais, consideren imprescindibles e urxentes para atender as persoas especialmente vulnerables, así como os servizos e centros de carácter municipal, con motivo desta crise e sexan debidamente xustificadas.	25.500,00	0,00	25.500,00
T O T A L	303.278,84	162.545,76	140.733,08

2.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente."

Na quenda de intervencións a concelleira do BNG, María Pilar Tubío Lariño, diríxese á concelleira María Mercedes Noceda Gómez para saber se existe algunha previsión con respecto ao reforzo dos servizos e axudas económicas para respiro familiar e medidas de conciliación.

A concelleira María Mercedes Noceda aclara, en primeiro lugar, que as partidas non son vinculantes, que a medida das necesidades que poidan xurdir, se poden cambiar. Explica que se mantiveron reunións co colexio para instaurar o programa de madrugadores e tamén manifesta a intención de realizar campamentos en épocas non lectivas para o alumnado (Nadal, Semana Santa e verán), en función da demanda que exista.

Non habendo máis intervencións, polo Presidente sométese a proposta a votación, co seguinte resultado:

Votos a favor: 11 (5 do grupo do PsdeG-PSOE, 3 do grupo do PP e 3 do grupo do BNG).

Votos en contra: 0

Abstencións: 0

Consecuentemente, o Presidente declara aprobada a proposta por unanimidade.

**4. RATIFICACIÓN DO ACORDO DE APROBACIÓN DO PROXECTO REFUNDIDO
"MELLORA AMBIENTAL NO CAMPO DE FÚTBOL DE LARIÑO" ASINADO O
23/12/2020.**



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

O secretario procede a informar da proposta que se transcribe de seguido:

"Asunto: APROBACIÓN PROXECTO REFUNDIDIO MELLORA AMBIENTAL NO CAMPO DE FÚTBOL DE LARIÑO

O Pleno da Corporación en data 05/11/2020 acordou entre outros extremos aprobar o proxecto modificado para o que se solicita a subvención de mellora ambiental no Campo de fútbol de Lariño, asinado polo Enxeñeiro de Camiños C. e P. D. Pablo Blanco Ferreiro o 11/02/2020, cun orzamento total de 168.430,00€.

Este concello presentou a través de PLATAFORMA SUBTEL da Deputación a documentación requirida para participar na convocatoria (CNV-C-OBR/2018) Convenios con Concellos e outras entidades pública.

Revisada a documentación presentada, o Servizo de Patrimonio e Contratación da Deputación Provincial realiza un requirimento asinado o 09/12/2020, solicitando a subsanación das deficiencias observadas en base ao cal se debe aprobar un proxecto refundido.

Polo exposto RESOLVO:

- 1.- Aprobar o proxecto refundido asinado polo Enxeñeiro de Camiños C. e P. D. Pablo Blanco Ferreiro o 23/12/2020.
- 2.- Elevar este acordo ao Pleno da Corporación para a súa ratificación."

Na quenda de intervencións a concelleira do BNG, María Pilar Tubío Lariño, quere saber que cambio se produciu.

A Presidencia aclara que o proxecto é o mesmo, vai contar cunha única pista de pádel e sen caravanas.

A concelleira do BNG solicita saber se hai previsión para que se execute unha segunda pista de pádel.

A Presidencia puntualiza que xurdiron problemas coa autorización do Servizo de Conservación da Natureza con respecto aos compoñentes da pista de pádel.

A concelleira citada indica que para unha soa non houbo problemas.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A concelleira María Mercedes Noceda Gómez precisa que tamén os houbo e comenta que tamén os vai haber para as caravanas.

Non habendo máis intervencións, polo Presidente sométese a proposta a votación, co seguinte resultado:

Votos a favor: 11 (5 do grupo do PsdeG-PSOE, 3 do grupo do PP e 3 do grupo do BNG).

Votos en contra: 0

Abstencións: 0

Consecuentemente, o Presidente declara aprobada a proposta por unanimidade.

5. RATIFICACIÓN DO ACORDO DE ADHESIÓN AO CONVENIO PARA ARTICULAR A ENCOMENDA DE XESTIÓN Á XUNTA DE GALICIA PARA A REALIZACIÓN DE ACTUACIÓNS AUXILIARES E DE COLABORACIÓN MATERIAL NA TRAMITACIÓN DOS PROCEDEMENTOS SANCIONADORES COMPETENCIA DOS CONCELLOS DE GALICIA, EN RELACIÓN CO CUMPRIMENTO DAS MEDIDAS DE PREVENCIÓN APROBADAS PARA A LOITA CONTRA A COVID-19.

Pola presidencia dáse lectura do punto da tratar, procedendo o secretario a dar lectura do acordo da proposta que de seguindo se transcribe:

“Expediente núm.: 2020/A006/000009

Resolución de Alcaldía

Procedemento: Adhesión Convenio

RESOLUCIÓN DE ALCALDÍA

Dada a vontade deste Concello de adherirse ao convenio asinado pola Vicepresidencia primeira e Consellería de Presidencia, Xustiza e Turismo e a Federación Galega de Municipios e Provincias (FEGAMP) PARA ARTICULAR A ENCOMENDA DE XESTIÓN Á XUNTA DE GALICIA PARA A REALIZACIÓN DE ACTUACIÓNS AUXILIARES E DE COLABORACIÓN MATERIAL NA TRAMITACIÓN DOS PROCEDEMENTOS SANCIONADORES COMPETENCIA DOS CONCELLOS DE GALICIA, EN RELACIÓN CO INCUMPRIMENTO DAS MEDIDAS DE PREVENCIÓN APROBADAS PARA A LOITA CONTRA O COVID- 19 a un convenio cuxa finalidade é:

De conformidade co disposto nos artigos 47 e seguintes da Lei 40/2015, de 1 de outubro, de Réxime xurídico das Administracións Públicas,

RESOLVO

PRIMEIRO. Solicitar a adhesión ao Convenio subscrito o 27 de novembro de 2020



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

entre a Consellería de Presidencia, Xustiza e Turismo e a Federación Galega de Municipios e Provincias (FEGAMP) para a realización de actuacións auxiliares e de colaboración material na tramitación dos procedementos sancionadores competencia dos concellos de Galicia, en relación co incumprimento das medidas de prevención aprobadas para a loita contra o COVID-19.

SEGUNDO. Manifestar a vontade do concello de Carnota de adherirse formal e expresamente a todas e cada unha das cláusulas do convenio mencionado, asumindo as obrigas e compromisos derivados do mesmo e con suxeición plena a todas elas.

TERCEIRO. Formalizar o protocolo de adhesión (anexo II do convenio) ante a Xunta de Galicia.

CUARTO. Elevar este acordo ao Pleno do Concello para a súa ratificación."

A presidencia puntualiza que se trata dunha medida para facilitar a xestión aos concellos con respecto as multas para a loita contra a COVID.

O concelleiro do BNG, Manuel Souto, quere deixar claro que os concellos non teñen capacidade para levar a cabo estes procedementos, nin lles debería corresponder a asunción desta competencia. Considera que a Xunta debería ser a administración competente, xa que conta con persoal cualificado e abundante. Aclara que o procedemento non é sinxelo e é bastante farragoso. Polo tanto, incide en que vai en detrimento do persoal do Concello encargado de realizar os trámites. Insiste en que a Xunta verte nos concellos obrigas que lle corresponden. Expón que a posición do BNG vai ser a da abstención e quere deixar claro a deixación de funcións por parte da Administración Autonómica.

Non habendo máis intervencións, polo Presidente sométese a proposta a votación, co seguinte resultado:

Votos a favor: 8 (5 do grupo do PsdeG-PSOE e 3 do grupo do PP).

Votos en contra: 0

Abstencións: 3 do grupo do BNG

Consecuentemente, o Presidente declara aprobada a proposta.

I. PARTE DE CONTROL

1. DAR CONTA DAS RESOLUCIÓNS DO ALCALDE DESDE A ÚLTIMA SESIÓN ORDINARIA



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A Corporación quedou informada das resolucións ditadas polo Alcalde desde a última sesión, que estiveron a disposición dos concelleiros e concelleiras desde a mesma data da convocatoria.

2. ROGOS E PREGUNTAS

Procede o alcalde a responder as preguntas formuladas por escrito polo BNG.

- Cal foi o volume de madeira que se cortou en Lamas e canto ingresou o Concello por esa madeira?

Resposta do alcalde: Non se ingresou nada. Realizouse a faixa de seguridade, en base á Lei de prevención de incendios da Xunta, a cambio da madeira.

O concelleiro Manuel Souto pregunta se en terreo urbano hai faixa de seguridade?

O alcalde sinállalle que si.

A concelleira María Pilar Tubío indica que se cortaron árbores públicas sen realizar ningún tipo de expediente, e sen saber nin o volume da madeira nin a contía. Quere saber se só se acordou cortala e a cambio dos pinos, sen máis.

O alcalde expón que se realizou a faixa de seguridade do Centro de saúde e diríxese ao concelleiro Manuel Souto para indicarlle que na rede social de facebook escribira que as especies que había eran castañeiros, nogais..., cando o único que había eran 5 pinos ventureiros e "tullas".

O concelleiro Manuel Souto aclara que na publicación efectuada na rede social sinalaba que o seu alumnado realizara unha plantación de árbores exóticas, non de especies autóctonas, para que coñeceran a diferenza entre as especies de aquí e as foráneas. Aclara que eran unha mestura de autóctonas (castañeiros, nogueiras)... e especies exóticas. Indica que a plantación das autóctonas (castañeiros, tullas, nogueiras e camelias) realizáraa viveiros "Raíña Lupa", sendo alcalde Manolo García.

O alcalde especifica que esas plantas xa non estaban aí, e que se efectuou esa corta de árbores polo perigo ante a posible caída das especies tanto para o centro de saúde como para o patio do colexio.

A concelleira María Pilar Tubío insiste en que a pregunta realizada polo BNG se refería aos pinos que se cortaron en Lamas de Castelo.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

O alcalde explica que era necesario levar a cabo os traballos de limpeza na faixa de seguridade. Expón que o Concello asinou un convenio para que a empresa pública SEAGA se encargara de executar as faixas de seguridade, en principio na parroquia de San Mamede. Especificalles que dende o Concello se están a realizar requirimentos de limpeza de fincas a poboación e parécelle oportuno que o Concello cumpra igualmente coa normativa en materia de incendios. Precisa que a corta se produciu por motivos de seguridade. Ademais puntualiza que o primeiro que lle solicitou o director do colexio era a corta das árbores polo perigo que supoñían.

O concelleiro Manuel Souto incide en que se puido realizar unha poda, evitando desta forma a tala das especies. Continúa expondo que non se pode mandar cortar a madeira a un autónomo sen saber o seu valor e argumenta que puido darse o caso de que a valoración fora de 100.000 euros, o traballo de 20.000 euros e o autónomo gañara coa operación 80.000 euros. Considera que o Concello debeu efectuar a valoración dos pinos para poder sacarlle un proveito para mellorar as arcas municipais.

O alcalde acláralle que neste momento hai veciños que pagan pola limpeza das propiedades.

O concelleiro Pedro Lado cuestiona o argumento do alcalde e replica a súa falta de sentido. Exemplifica o seu razoamento explicando que ser propietario dun serradoiro non é sinónimo de dispor dos pinos, só a cambio da súa corta. Entende que esa corta ten que implicar un beneficio económico e está de acordo co argumento do concelleiro Manuel Souto.

O alcalde alega a que a veciñanza pode asinar un contrato coa empresa pública Seaga, para facerse cargo da limpeza dos seus terreos afectados polas faixas de seguridade, e a obriga do propietario da finca sería pagar 35€/ha. Así mesmo, o alcalde alude a que cada propietario pode facerse cargo da limpeza das súas fincas situadas na faixa de seguridade, pola súa conta, sen asinar un contrato coa empresa Seaga.

- Que trámites está a facer o concello para o cumprimento da súa promesa electoral de promover a creación dunha residencia para a terceira idade en Carnota?

O alcalde indica que se mantiveron diversas reunións coa Xunta de Galicia, sobre cuestións relacionadas coa idade temperá, SAF, casas de maiores... e tamén sobre residencias. Dende a Xunta de Galicia respondeuse que nos últimos 11 anos só se realizara unha residencia, e que a previsión era de realizar 5 residencias públicas máis, pero nas cidades.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

O modelo que aclararon que estaban incentivando, era o de establecer casas de maiores, promovidas por persoas autónomas, cunha axuda da Xunta de Galicia de 20.000 euros ao ano.

O Concello tratou de investigar se algunha das persoas que asistían ao obradoiro de emprego, impartido conxuntamente co Concello de Muros, con formación neste sector, estaría interesada en solicitarlle á Xunta de Galicia esta axuda para crear unha casa de maiores, e resultou que houbo interese por parte de unha persoa, que formalizou a petición.

O alcalde indica que dende a Xunta de Galicia se comunicaron co Concello para facerlle saber que estarían aprobadas todas as peticións que se efectuaran, 45 en total.

Aclara que, en principio, a casa de maiores en Carnota sería ao lado da autoescola, en San Mamede.

Así mesmo, puntualiza que houbo intereses por parte do sector privado, pero o modelo que planearon non foi do interese do concello, sobre todo, polo prezo elevado da estancia (entre 1500 e 1800 euros ao mes). Posteriormente, o alcalde sinala que chegou a COVID e a percepción do goberno mudou significativamente ao seren as residencias as máis afectadas. Puntualiza que, de momento, esta cuestión se pospón.

- En que lugares do concello levaron a cabo as obras de pavimentación por importe de 36.942,15 do plan de mellora de camiños municipais?

O alcalde responde que son axudas AGADER, que se levaron a cabo en Sofán e na Corredoira das Figueiras, en Lariño.

- Existe no Concello un plan municipal de obras?

O alcalde indica que non existe un plan de obras por escrito. Sinala que o goberno segue tres liñas fundamentais para executar as obras:

1. Saneamento e pavimentacións.
2. Axenda 20-30. Especifica que se trata de impulsar medidas e solicitar axudas para a mellora da eficiencia enerxética e para evitar a contaminación lumínica. Explica que hai axudas ao 80% e que o concello só ten que achegar o 20%, que se amortiza en 5 ou 6 anos.
3. Infraestruturas. Conexión do Pindo co Ézaro (involucradas outras administracións públicas) e conservatorio do Viso.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A concelleira María Pilar Tubío solicita saber se hai un plan de obras nos diferentes lugares do concello.

O alcalde volve a aclarar o dito anteriormente, prioriza levar a cabo todos os saneamentos posibles, sobre todo Lariño...

A concelleira María Pilar Tubío, insiste na pregunta de se o goberno elaborou un plan de obras financiadas directamente pola propia administración, non por plans de outras administracións.

O alcalde volve a reiterarse nas liñas políticas que seguen para determinar as obras a realizar.

- No pleno anterior o grupo municipal do BNG realizou unha serie de propostas e quere saber a situación na que se atopa cada unha delas.

O alcalde responde que se van reparar os baches existentes na estrada de Paxareiras a Cubelo, de Paxareiras a Carnota e de acceso á praia de Caldebarcos. Prosegue a súa intervención indicando que se restaurou un muíño en San Cibrán, pola caída dun eucalipto.

O alcalde recalca que, con respecto ao resto das peticións, encargáronllas ao xefe de obras e manifesta a súa intención de realizalas en función dos recursos humanos dos que se dispoña e explica que se está pendente de contratar persoal, financiado a través do PEL (31/03 ao 31/09).

A concelleira María Pilar Tubío quere saber cuestións concretas. Pregunta se se colocaron colectores de lixo en Mallou.

O alcalde responde que se solicitaron.

A concelleira María Pilar Tubío quere saber sobre a recollida do lixo en Maceiras.

O alcalde respóndenlle que o camiión ten dificultades para acceder.

A concelleira María Pilar Tubío pregunta se se arranxou a zona recreativa existente detrás do Centro de Saúde.

O alcalde responde que se lle solicitou ao xefe de obras para que o tivera en conta.



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

A concelleira María Pilar Tubío relata que existe un problema cos colectores de Canedo, en días de vento, pola falta de suxeición. Proponlle ao alcalde a colocación de suxeitacontedores.

Prosegue a súa intervención preguntando sobre o arranxo dun bache no acceso á praia de Caldebarcos.

O alcalde responde que se contestou anteriormente.

A concelleira María Pilar Tubío pregunta sobre a actuación na Fonte da Janeixa.

A concelleira Mercedes Noceda sinala que se procederá ao seu saneamento e o alcalde explica que se procedeu ao saneamento da fonte do Pindo. Aclara que a veciñanza realizou a limpeza dun tanque, que implicou o atasco da fonte, por iso se levou a cabo esta actuación.

A concelleira Mercedes Noceda aclara que sempre que o BNG fai peticións, estas son trasladadas ao xefe de obras. O alcalde indica que, trala contratación de persoal, financiado a través dos plans de emprego que existen, se levarán a cabo todas as actuacións solicitadas.

A concelleira María Pilar Tubío procede a ler novas propostas que a veciñanza lle achegou ao grupo do BNG:

- Arranxar as beirarrúas en Quilmas.
- Beirarrúas na estrada que sobe a Mallou.
- Arranxar a vía de Pedrafigueira a Freán.
- Arranxar en Lariño a volta da Seara.
- Poñer luces na vía que vai das Bouzas a Mallou.
- Limpeza dos ríos en Lira.
- Arranxar o río da Ajiriña en Canedo.
- Arranxar o bache da estrada da montaña.
- Arranxar a pista de Carnotela.
- Duchas na praia na zona de Vilar de Carnota.
- Valorar a posibilidade de comprar a parcela do serradoiro de Argimiro para dotacións públicas.

O concelleiro do PP, Elisardo García, realiza as seguintes preguntas e solicita contestación neste acto plenario:



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

- En relación a adxudicación do contrato menor de servizos xurídicos á asesoría xurídica Roibás, SLP, por importe de 19.640 euros. Cal foi o procedemento a seguir nesa adxudicación?
- Houbo adxudicación directa do contrato de servizos a dita entidade xurídica Roibás por parte da Alcaldía como órgano de contratación?. En todo caso, nesa adxudicación velouse polos principios contractuais de publicidade, concorrência e igualdade?
- En relación ao procedemento ordinario número 584/2017, realizado no Xulgado do Social núm. 1 da Coruña, onde o concello foi condenado a pagar a un traballador desta casa 7.780,36 € incrementada esta cantidade en concepto de intereses moratorios, quero comentar sobre este tema, cando foi notificada a dita sentenza de data 04/06/2019 ao concello?. En todo caso, se a sentenza foi notificada posteriormente a súa toma de posesión como alcalde? E, en todo caso, se a sentenza foi notificada posteriormente a súa toma de posesión como alcalde, por que non foi recorrida esta sentenza?
- En relación a un recurso de casación para a unificación de doutrina núm. 3099/2017 da sentenza do Tribunal Supremo-Sala do Social, de data 19/06/2020, que desestima recurso de casación, fronte a outra sentenza do Tribunal Superior de Xustiza de Galicia, de data 20/06/2017, tamén da Sala do Social, en recurso de suplicación, que se interpuxo contra outra sentenza de 01/06/2016, ditada en Auto 91/2016, polo Xulgado do Social núm. 1 de Santiago, onde foi condenado o Concello e máis o ex_ alcalde, don Ramón Noceda, a unha indemnización de 10.000 euros a unha traballadora desta casa. Foron condenados solidariamente por vulneración de dereitos fundamentais. Permítaseme unha pequena introdución, porque vostede (diríxese ao alcalde) nunha reportaxe que fixo na Voz de Galicia, de 20/06/2020, fala de repercutir ao ex_ rexedor desta casa os 10.000 euros de indemnización, tamén fala de que lle imputa ao ex_ alcalde, don Ramón Noceda, un delito de malversación de caudais públicos, impútalle un feito delitivo nesa reportaxe. Entendo que confunde o orde social co orde penal, e de feito, na páxina do facebook do grupo municipal do BNG, moi acertadamente, se distinguiu o que é orden social do que é o orde penal, onde se lle di a vostede se vai a reclamar eses cartos, vostede é libre de reclamar eses cartos. Con esa reportaxe fai demagogia. Fala de imputar delitos cando non se produciron. Houbo un procedemento do orden social por vulneración de dereito fundamental, pero iso non foi delito cometido por ninguén, aínda que fora condenado solidariamente o Concello, e máis a persoa física, o alcalde, a indemnizar a esa traballadora con 10.000 euros. E ademais outra cousa, vostede



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
Fax: 981 857251

confundiú nesta reportaxe tamén, os 10.000 euros, requisito procesal para poder recorrer en suplicación ao Tribunal Superior de Xustiza de Galicia e foron consignados nese sentido. Para poder recorrer unha condena solidaria a lei obriga a consignar, senón non poden admitir o recurso. A miña pregunta é, despois de todos estes antecedentes e de confundir vostede o orde penal co orde social, porque se lle está imputando un delito a esa persoa, se se vai reclamar a parte correspondente ou non se vai reclamar?

O alcalde responde que se contestarán na próxima sesión plenaria.

Non habendo máis asuntos que tratar, o Presidente levanta a sesión, dándose por rematado o acto ás dezanove horas e dezasete minutos día anteriormente expresado, estendéndose a presente acta. De todo o que, como Secretario, dou fe.

O secretario, José Luis Veiga Sierra

O alcalde, Juan Manuel Saborido Rama